

吳縣志卷第七十四中

列女十

貞孝

長洲縣

元

柳貞女明兵破蘇城時死節

長洲縣志

明

吳天祥妻趙氏家貧奉姑甚孝天祥傭身於人趙每於三餐貯米一握積之以易醬肉為姑

致滋味有兩兒姑酷愛之每食必呼之趙於食時驅之出即闔戶姑問何在紹云自留肉

與之不足念慮或云方出嬉戲人嘗見兩兒風雨蹲檐閒問胡不歸兒云母奉婆婆羹恐

分肉食我耳天祥相城人

姑蘇志

清道光二十八年追旌

節孝祠志

唐冤妻王氏性孝姑病癰污穢不可近王手為除拭不怠嘗夜盜入室王倉猝擁病姑匿檐

後時天大寒雨王以身蔽姑瀕凍死不舍吳文定公寬表其事

姑蘇志

清道光二十八年追

旌同王大寒王以良通故縣窮民不舍吳文宣公寶壽其事清道光二十八年

陸淑清陽城人頗聰慧識字許村人楊紹淑清年二十二兩家赤貧不能嫁娶紹執役往京

師惡少豔淑清容色謀妻之集黨撼其翁父若不從我無悔翁父愁諾淑清聞之號哭達

曙惡少強委禽焉淑清即自縊於房姑蘇志清道光十七年迫旌同清道光十七年迫旌同

徐昇妻袁氏生子華未期而昇歿時年二十七袁單子食貧事舅姑垂三十年遇歲惡粗糲

不充而舅姑極滋味稱為孝婦嘉靖初旌子華自為誌康熙志米一畝詩之以長壽肉氣故

褚氏長洲褚巷人少字邱鳳未嫁鳳死氏即投繯以救復甦不食而死微顯志清道光二十年

追旌節孝祠志

懷氏華亭人嫁長洲庠生馬澈舅馬紳富甲里中而姑蔣繼也逐澈夫婦儼屋以居氏溫言

慰夫問饋舅姑不替比夫死依姑居婉容順承舅姑感悟更稱其孝蕭紳微顯志

沈氏女許字張應奎未婚應奎死哀慟自縊以救免聞母有他約遂斷髮割右耳為誓及應

奎葬衰絰往送命為穴於旁曰吾終歸於是年六十八卒知府蔡國熙聞於上表其閭乾隆

何關金何家庫人幼字陳蕙蕙歿何年十六奔喪送葬念母在復返舅歿往持喪葬畢返如

初母亡乃歸陳門嗣子雲鵬奉養之萬歷十八年旌上同

袁應龍聘妻徐氏應龍死氏哀毀逾常父某念其弱諷以改字氏遂赴井求死家人亟救乃

免父知其不可奪聽其守志終身邑令江盈科有徐烈女解長洲縣志

王琫妻毛氏唯亭人幼慧淑七歲父歿即知哀比長許字王琫以母孀居不忍離奉父賢其

孝令琫贅焉母歿殯葬畢籍父遺產萃毛之族而均析之來歸於王孝養翁姑年八十一

歲卒清同治七年追旌唯亭志旌表實錄

金桂淑七八歲時母常苦病兄弟皆在外塾桂淑早暮侍湯藥不少懈許字張樹未成婚樹

死桂淑年十五聞之哭踊彌日誓欲守志服除或來議姻父以告桂淑伏地號泣曰兒久

懷出世想矣守貞十四年年二十八卒殯時顏色如生滿室皆香巡按王志舉旌曰貞節

康熙志清同治七年追旌旌表實錄

殷氏女幼字吳某八歲夫亡飲泣易衣足不踰閭閻父欲改字女翦去其耳以示志守貞三

十年如一日乾隆志清道光十七年追旌節孝祠志

陳威鳳聘妻文氏文肅公震孟妹未婚夫亡奔喪守貞終清同治七年追旌吳門表隱參旌表實錄

張鸞女關清幼字俞某未嫁夫死守貞終老清道光十七年追旌節孝祠志同治旌表

王某聘妻蔣氏陳湖東蔣明瑚女年及笄有姿容乙酉二月一日為松江游騎所執欲污之

女堅不從斷其臂刺其胸死之時空中大震微顯志清道光二十三年追旌節孝祠志

施壇聘妻華氏年十七壇亡絕粒七日不死自縊以救解復持刀母奪之乃守節夫家長齋

縞素哀號成疾殞通志作十二載得羸疾死康熙二十五年旌乾隆

王石林妻孫氏崇禎時寇荒洊至石林業醫供菽水氏以鍼術相助甘旨無缺姑病隨侍湯

藥不解帶者十月病劇籲天不應聞鄰婦云冀苦不至死氏竊嘗之味不苦大慟及姑歿

量絕復蘇呼號思慕終身如一日同治七年旌旌表實錄

戈雲卿妻王氏雲卿赴試得痼疾卒氏勉營喪葬歲饑以紡績易脫粟奉舅姑而自咽糠粃

舅取嘗之嗚咽不能發聲康熙三年卒吳門補乘

宋啓業聘妻吳氏家宰一輩女未嫁夫亡誓不欲生念父宦母歿弟妹無依隱忍三年父歸

更訂陸氏女吞金不死投井不得伺閒裂宋聘帛自縊遺書典宋氏簪珥具後事雍正六

年旌

乾隆府縣志

鈕成惠妻楊氏年六歲父母相繼歿歸鈕爲養媳成婚後事舅姑曲盡孝敬姑病晝夜侍湯藥數月不少懈及歿勵絕復甦者再逾年竟卒里鄰稱爲死孝

乾隆府縣志

道光二十八年旌

節孝

祠志

郭忠陞媳徐氏翁抱危疾氏祝天祈代割股調湯以進病立起後翁知之厚歸其所生女以

志婦孝

乾隆縣志

孝子江大漸妻王氏與夫孝事翁姑姑病危氏割臂肉和藥以進病立愈巡撫慕天顏給夫

婦雙孝編獎之道光二十五年旌

節孝祠志

周氏女金墅人許字何綸言綸言歿女泣白其母欲往弔母不可因閉戶而泣潛易縞素所著赤色履以墨塗之至五鼓哭聲寂然啓戶視之自縊死矣時年十九康熙十八年旌

康熙

志

孝子陳元良妻徐氏事翁姑曲盡孝道病則目不交睫及歿夫婦廬墓異處逾年而返巡撫

湯斌給子孝婦賢編道光二十八年旌節孝祠志

沈鍾彥妻褚氏事姑孝謹相夫勤儉家貧遭水旱升米三十文氏日作燭心千餘枚易米糶

豆麥屑爲飯以精者奉舅姑自食粗者時行疹疫舉家濡染氏力疾侍姑病調湯藥候寒

煖溲溺以手親治之一夕鄰人見黑氣從沈氏牆垣中出逾時乃散明日家之病者俱痊

人謂孝婦所感年三十一歿以子德潛貴贈夫人道光二十八年旌節孝祠志

張日峻聘妻孫氏夫力學致疾卒女悲泣欲歸張視殮父母憐其少不聽女絕粒九日不死

忽作歡顏囑母下樓取鍼篋遂自縊返其柩於張李徵士果爲作傳乾隆志

申繡虎聘妻邵氏申亡有求婚者父將許之氏遂餓死年僅十六時康熙三十七年大除夕

也臨死謂父母曰兒爲申家婦不及拜舅姑他日耐其墓將以兒爲誰乎兒死必往訃俟

一見而殮道光二十二年旌節孝祠志

汪學儀聘妻章氏豫女未嫁學儀卒女聞訃不食死父母憐之告於汪而合葬焉乾隆志道光

十七年旌節孝祠志

林大治聘妻陳氏淑睿未婚夫亡遂自經寢戶傍母於奩中得其手書皆矢死靡他語時雍

正十三年也制府尹繼善題額黃之雋傳宋貞女景衛作詩美之道光十七年旌同按陳宏

謀集有林某聘妻陳氏事蹟相類當是一人

方諤女少許字金天顏金亡後有請婚者不食死葬於金墓乾隆志道光十七年旌同

周氏名貞未嫁夫死父欲更字之氏不從遂自溺死乾隆志道光十七年旌同

張國富聘妻尹氏許墅子明女未婚張歿女聞訃竟日不語密縫紉上下衣投河死時年十

七通志道光十七年旌同

蔡某聘妻李氏夫歿撫嗣子爾鑑成立有聲庠序不幸爾鑑夭氏曰吾一生辛勤付之逝水

矣一慟而絕時年五十二道光志

劉氏女許墅人年十八聞夫死時天寒終夜立庭中冒霜雪絕食兩日死康熙四十年事同

治七年旌旌表實錄

生員吳昌言妻顧氏昌言明兵科給事中適之孫廩監生誅之子丁卯鄉試染疾未終場而

歸遺卷已薦昌言不及見而卒氏見舅姑悲慟拭淚勸慰撫教二子有聲士林知府陳鵬

年給白首完貞額江南通志

章鏡超繼妻李氏之弦季女康熙四十三年冬母華氏病以子痘不得歸省禱天翦臂肉糜之和粉養以餉母母食之卽瘥亦不覺其味也後氏歸甯一婢私道其事母察其臂癰痕累累氏乃不能諱

徽顯志

道光二十八年旌

節孝祠志

諸生王周秩妻宋氏少秉至性母抱危疾割臂和藥以進夫病亦割股療之年二十八寡孝事孀姑撫孤繼孟成立繼孟又早歿與寡媳艾氏撫育幼孤相依四十餘年雍正元年旌

江南通志

季隨妻吳氏夫亡家貧孝養撫孤荼苦備至舅歿諸伯叔尤貧卽捐分授之產以營喪葬姑王氏臥病樓上樓失火婦負姑從檐下墮地姑免婦傷而卒守節四十三年雍正十年旌

乾隆縣志

盧天艇妻顧氏貧寡而孝養後姑姑歿哀毀骨立積紡績貲買地以葬翁姑與夫並葬翁之兄嫂雍正十二年旌

同

顧長源聘妻謝氏未婚夫死氏往拜孀姑成服姑念氏獨處授田二十四畝氏以叔尙幼繼嗣未定蠶鹽荊布十指可辦堅辭之姑則堅與之遂成閒田教諭倪典學有謝貞女讓田

國記
乾隆縣志

諸生許蔚女卞玉性聰慧父授以孝經小學禮記左國史漢等書悉通曉大義母黃氏抱沈疴常在牀蓐父手足不仁周旋左右者三載及長父母爲相攸氏以親年五十無子願終身侍養不字已而弟麟生父母相繼歿氏水漿不入口者三日以弟幼不能從死乃經理家事課麟讀書爲之婚娶及麟成諸生氏曰吾願畢矣持齋獨居卒年四十九道光十年

旌
徵顯志參節孝祠志

張氏女許字徐墉未婚聞訃歸徐守志因嗣子殤自縊
乾隆志 乾隆十一年旌
道光志

謝南吉妻周氏夫亡無子一女奉母不字守貞終身長齋奉佛死卽葬於屋內冢上有臺高

五六尺名貞女塔塔中有貞女像乾隆十一年旌
諸聖志

俞瑞峰繼妻蔡氏年二十三歸俞姑范氏兩目失明氏日以舌舐之數月復明未幾瑞峰卒時氏年二十七姑年已六十餘所生子在襁褓前妻三子長者甫十齡凡所以供甘旨給朝夕者俱出十指一目奉姑祭掃九龍山翁墓墓側有池深丈許姑失足而墮孫其龍拯之亦墮氏遂躍入水抱姑近岸呼墳隣婦女共扶起之舟人至乃救其龍而其龍已昏絕

適有醫者過治之獲蘇衆咸嘆氏之孝感云乾隆二十五年旌

家述

朱氏女許字金之佩未婚夫亡欲往持喪母不可絕粒不食乃送歸金氏氏從喪次視日正

午奠酒焚楮再拜投繯死年十九乾隆八年旌

乾隆志

王本石聘妻夏氏金墜人未婚夫歿女聞之夜自縊死顏色如生時乾隆十四年六月二十

六日也道光七年旌

吳門補乘參節孝祠志

璩川顧賓臣聘妻陳氏年十八顧未婚疾卒女聞而悲水漿不入口者六日父母婉勸守貞

於室女堅欲奔喪持服不然有死而已父母知女志不可奪乃告於顧迎之歸立伯氏子

爲後始一啜水漿入門後哭於其寢衰絰未嘗去身踰三年以病卒

貞孝節烈文編

庠生顧景度妻樊氏孝事曾祖姑祖姑先意承志迨歿哀痛逾常夫病盡典衣飾以供醫藥

夫歿撫姪爲後抑鬱三年抱疾以歿

乾隆縣志

贈知縣申墉聘妻顧氏孝子鼎榮女年二十七夫亡縗絰奔喪苦志守貞四十三年撫嗣子

贊皇登賢書令玉屏爲良吏皆母教也沈德潛傳道光十七年旌

吳門表隱

周之德妻沈氏夫歿事姑張謹張嘗於初夏冒暑思瓜氏以十指所得百倍其價購一瓜以

進歸甯止一二日姊妹留之不得曰恐吾姑岑寂也夫歿時子大綸甫十四月氏以長以教脩脯出自女紅積栽桑飼蠶貲卜地以葬三棺將及期大風雨發引後天忽霽人以爲誠孝所感云守節五十七年乾隆三十五年旌

吳門補乘

嚴廷鑑妻於氏舉人瀨女廷鑑家貧力學三十後始娶氏性貞淑通書史事姑孝謹姑善病

百計營藥餌雖忍餓不自惜也年二十七夫遭疾卒氏以姑老子幼不得死鄰有不戒於火者延及氏宅子女皆環泣時姑方病篤氏赴烈焰中負姑出衣履悉焦灼其課子嚴而

有法自四子書以至唐宋文皆親爲講授諸子咸自奮克底於成晚歲孫曾林立年八十

二卒乾隆四十一年旌吳珽傳

貞孝節烈文編

顧炯聘妻江氏仁和人守備煜女炯殤女年十三隨侍父荊州任聞訃毀容茹素誓欲歸顧

守貞父憫其志諷友達意適翁歿家貧繼姑以力不能迎辭無何繼姑亦卒夫弟德煒尙

幼乃泣告父母曰撫育之責舍我其誰言訖嘔血不止父義而從之自湖北歸於顧獨處

小樓訓女徒以助不足頸生疽人勸延醫拒之曰吾面不使男人見吾項可着男人手耶

竟以是疾卒時爲乾隆四十三年嘉慶二十四年旌

吳門補乘

陳珏聘妻蔣氏重光女珏年十七夭女誓不再字而珏父母先後歿女父母念其無依別謀

擇壻女聞將以身殉乃卒成其志遂歸陳成禮於殯前為夫服斬衰三年復為舅姑稅服

三年立夫姪德洪為後課讀甚嚴既成婚而德洪夭尋得遺腹子廷椒兩世孀居嫗嫗

影乾隆五十四年廷椒具狀聞於有司旌門如制又二年十月以肝疾卒年五十四

彭紹

林居

陸氏陽山農人女也許字某未嫁夫亡父母欲奪其志不食死

謝聖同治七年旌

旌表

丁伊受聘妻陸氏未婚而伊受夭女聞訃掩面泣不食絕粒死距夫亡僅十四日年十八道

光二十八年旌

節孝

沈紹先聘妻施氏女年十九紹先歿誓不再字聞有議婚者遂絕粒時年二十二道光三年

事十七年旌

同上

顏氏吳慶元

節孝

未婚妻蓮目巷人氏有姿色姑朱甚悍受賂欲改適某賈為妾氏矢死

不從凌虐不勝道光十八年四月四日自縊死二十二年郡紳公請旌表建坊於支硎山

麓墓前

參節孝

黃埭顧汝凝聘妻薛氏及笄聞夫死衰絰奔喪大慟死年二十二

吳門道
光十七年旌
節志

監生張天麟妻許氏孝於姑以哭姑死督學林之濬親書事姑致身額獎其孝同治七年旌

旌表
實錄

趙某聘妻蔣氏夫歿女欲守貞於趙而姑早喪舅又老卒未歸也其兄任桐廬丞偕其嫂同

往久之有請婚者女大恚遂病癰不起年二十五乾隆六十年事

道光
志

道先二十二年旌

節孝
祠志

朱節婦者長洲陸炳妻也生子圻未彌月炳與弟偕遊廣東不踰時兩人相繼歿時炳父楓

宸老矣節婦侍養盡孝及楓宸既歿圻年稍長聘同縣人褚永思之女爲婦未成婚圻歿

赴至女家女號哭欲死或曰姑在汝卽死是重傷姑心也而可乎女曰欲無死必歸吾陸

氏既歸事姑孝謹其後節婦立族子堅爲夫嗣堅生子鑒爲圻嗣陸氏之宗於是不絕

節彭

紹升嚴朱
二節婦傳

張氏女名藹荊母患勞瘵禱天益壽割股和藥以進病得痊愈母歿悲痛過情咯血死年二

十六咸豐九年旌

節孝
祠志

趙伯虎聘妻李氏金墅人伯虎天氏歸趙守貞事舅以孝稱性善奉佛年四十九無疾而逝

同上

二孝女許墅張理遵之女母病危二女方髫齡相謂曰母病革家落矣孰為撫諸弟成立乎

夜禱中庭願以身代逾日母瘳二女遽卒同治七年旌

吳門表隱參旌表實錄

王某聘妻張氏壽姑許墅鄉張漢源女也九歲失母父疾割腕肉以療王氏子天不再字父

卒遂絕粒不食潛至後門抱石沈於河年二十八嘉慶十一年六月初四日事十六年旌

顧金壽撰傳

程某妻陶氏望潛女母陳氏苦節終女適程後因母歿悲痛踰月亦卒同治七年旌

旌表實錄

汪曜章繼妻吳氏壽豈女也二十四歲守節嘉慶十二年鄰火延及其廬氏提幼女付翁後

冒燄登樓負其病姑火熾不能出並焚死兩手猶抱姑不釋年二十八嘉慶十三年

補乘作十

五旌道光志（馮培抱姑行）嗜嗜出欲出不得婦出非難有姑在室一解姑病高樓其

之東翻身上樓樓下火已紅三解生俱死死棄姑獨全義不忍為此抱姑冒火同盡

解節孝可以與頑愚五據吳門補乘增

沈孝女父雲發歿女纔十齡哭泣盡禮苦塊中見母悲多方勸慰家日貧以鍼帶紡績易米無越宿糧母患疽親爲吮舐禱於神求減己算益母壽病果瘳屋僅兩椽鄰里罕見其面

求婚者踵至女矢志終養撫幼弟成立道光八年旌

節孝祠志

監生吳璧妻王氏璧卒遺孤鎰僅五歲家貧舅歿姑病篤鄰家火氏默禱遂熄氏方病瘵侍

姑疾不敢卽安姑歿哀毀得肝逆症未幾卒嘉慶二十三年旌

吳門補乘

王利謙聘妻錢氏淑字冰如侍郎榮季女王未婚夭女年二十聞計一慟幾絕卽毀妝稟命

於父請赴夫家守貞父嘉其志從之嘉慶七年秋舅遭疾危甚女割股進得愈能詩有夜

來風雪裏聽得竹聲寒之句榮因寫聽竹圖并作序以存其概守貞三十餘年卒道光十

七年旌

節孝祠志

沈士誠聘妻馬氏將嫁沈得疾死氏年十九聞訃輒欲自裁父母諭之泣曰夫亡願從死否

則願守志夫家父母不許百方誘之卒不可奪乃囑沈氏以迎迎歸祭哭其夫時有二姪

氏立其最幼者爲嗣殫力勤家迄於成立道光二十二年旌

同上

王誠聘妻葉氏爲養媳誠出外謀生氏侍庶祖母及庶姑孝勤鍼指助薪水庶姑病痢晝夜

侍不知穢誠得疾歸不起遺言氏遣嫁氏伏地泣告重闈及母曰養媳無他適理否則死

殉衆憐其志在誠柩前施斧成禮徹夜事女紅積勞咯血於道光九年四月二十一日卒

距夫死僅五月也年二十二道光二十八年旌

謝孝女增貢生駱次女程仁璐室母彭氏病危偕弟嘉吉割股和藥以進父疾躬親湯藥累

月而歿女哀毀疾卒年二十九道光二十八年旌

孫某妻許氏在室時祖母病父適遠出女割股療之越三月祖母重遭疾卒女已嫁先是父

歸嘉其孝徵詩紀事張鴻基傳倪堂詩錄許孝女割股詩鵲夜叫雲如墨孝女掄刀泣

旋歸森四列慘聞女言陡變色白刃一揮二豎卻春風頃刻來牀席南斗光芒高北斗父亦

當報汝名不朽徵詩獨乞詞壇友一聲笙鶴蓬山綠太君轉眼登仙錄麻衣終見孤兒哭

女嫁從夫聞之熱欲歸未歸車駕憤然定試前番肉苦語分明絮鄰嫗嘆息女歸局不

早猶記焚香深夜禱一杯羹進病如掃此事勿勿三月杳羅衣碧血痕猶好里有豎儒頭

已皓謂女雖賢未聞道以身博孝孝亦小吾謂此言理未純即今風俗難還醅讀書幾輩

知彝倫自古忠孝祇率真勢當孔棘也圖存不見龍比稱蓋臣亦惟一死酬君恩歲在

馬氏女安里橋人酷貧力作至老不嫁孝養父母年七十餘窮餓死無以殮經七日面色如

生巡撫林則徐特請旌典節孝 蕭勤苦 艱中見母悲冬式憫 恩案日貧以殮 蕭蕭 恩長米

張氏生員張麟書女祖母病危刲臂肉又篤孝父母父病禱神乞代父病瘳女竟死道光十

六年事

吳門表隱

尤承銓妻李氏孝事父母年十九歸尤繼姑陸肝病甚危割股以救甫六載夫亡七終自縊

於寢時道光十七年三月初十日事也十九年旌崇祀節孝祠

同上

朱徵聘妻馬氏爲朱門養媳事姑篤孝鄰人戲言挑之遂自縊死年十六道光十八年二月

事二十二年旌

節孝祠志

監生宋庭詩女矢志養親聞有問字者輒涕泣不食父病禱天求代及歿一慟而亡咸豐四

年旌

同上

許福澧妻黃氏結褵一載而寡青年守志孝事慈姑竭力扶持姑病親嘗湯藥減己算以益

壽旋刲臂肉和藥以進姑卽痊愈咸豐九年旌

同上

諸生許廷玉聘妻胡氏女年十六未婚夫故聞耗悲慟自縊死乾隆初事咸豐九年旌

同上

陳世傑聘妻楊氏年二十一未婚夫故訃至屏去簪飾矢志守貞逾二年父潛納他人聘女

偵知之憤鬱成疾卒年二十三後見夢於世傑之母其家迎柩合葬咸豐九年旌

同上